



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera D. cap. XL.

urn:nbn:de:hbz:466:1-38372

Episcopatus de litera D.

Cap. XL.

Dommocenses, siue Orientalium Anglorum, sub Eboracensi Archiepiscopo.

D. 4 **B**OSA, monachus Sreneshalcensis in Anglia, circa annum Domini 670. Episcopus creatus, interfuit Concilio Anglicano à Sancto Theodoro Archiepiscopo Cantuariensi congregato, & anno 673. celebrato: anno autem sequenti cum graui detineretur infirmitate ab administratione suspensus, Accam habuit successorem. Deinde anno 678. cum Sanctus Vuilfridus iam secundò sede sua Eboracensi pulsus fuisset à Rege, Bosa eius locum tenuit annis aliquot, a qua iterum semotus, in pace non longe post uitam finiuit. *Tritt. lib. 4. cap. 64. Mathæus Vuestm. ad an. 673. & 678. & alibi.*

5 S. Acca, monachus in Anglia, cum S. Bosa, eius in regulari disciplina præceptor, ab administratione segregatus fuisset, & episcopatus in duas sedes diuisus, quarum unam apud Helmham præoccupauit Beduinus, ipse apud Dommoc sedem posuit, quam tenuit annis fere 33. usque ad annum 711. illo enim anno, ad Hagulstadensem ecclesiam transiens, eandem annis 25. laudabiliter rexit, & miraculorum gloria clarus, postquam multos, in Frisia maximè, sua prædicatione ad Christum conuertisset, in Domino anno 736. obdormiuit. *Mathæus Vuestm. Beda lib. 5. cap. 21. & sequentibus,*

Dorcestrenses, simul, & Vuintonienses in Anglia, sub Cantuariensi Archiepiscopo.

I SANCTVS Birinus, Italus, Romanus, monachus etiam Romanus, anno D. 635. ab Honorio summo Romano Pontifice, in Angliam missus, & Occidentalium Saxonum Episcopus constitutus, per Asterium Genensem Episcopus consecratus est. Illo autè ibi Euangelium prædicante, Rex eiusdem prouinciæ Chinigilsus, cum omni gente sua credens baptizatus est. A quo ciuitate Dorcestria donatus, sedem Episcopalem ibidem firmavit, & constructis longè lateque ecclesijs, diuini cultus propagines ad fructum in eis perducere laborauit; vnde & eorum Apostolus dici, & vocari meruit; sanctitatis etiam opinione ad miracula usque eo tempore clarens, à Poeta satis vetusto

V qui

qui eius uitâ carmine descripsit, hoc epigramate meruit honorari.
 Dignior attolli quam sit Tirynthius heros,
 Quam sit Alexander Macedo, Tirynthius hostes
 Vicit, Alexander mundum, Birinus utrunque.
 Nec tantum uicit mundum Birinus & hostem,
 Sed sese bello vincens, & uictus eodem.

Obijt anno Domini 650. Apostolatus sui. 16. tertio Nonas Decēbr.
Beda lib. 3. cap. 7. & Tritemius lib. 4. cap. 140. & alij.

2. D. Aegelbertus, siue Egilbertus, Agilbertus, Agilberchtus, seu Agilbrechtus, monachus in Gallia, Sancto Birino surrogatus, præ fuit annis decem, uir non minus religione, quam scientia clarus, tandem Regem Chincualchium, & regnum Angliæ relinquens, & in Galliam secedens, Episcopatum Parisiensem regendum suscepit anno Domini 661. *Tritemius lib. 4. c. 142.*

3. D. Vimo, siue Vuina, monachus Britannus, abdicante Aegelberto Episcopus constitutus, anno prælatus sui sexto, Christi Domini 666. à Chincualchio rege de sede sua pulsus, à Rege Merciorum Vulfhero episcopatum Londontensem accepit, ibidemque in pace quieuit anno Domini 674. *Tritemius lib. 4. c. 144.*

4. D. Eleutherius, siue Leutherius, monachus Parisiensis, Vimone sede sua deturbato, Anglorum Occidentalium Episcopus consecratus est à Theodoro Archiepiscopo Cantuariense anno 666. præ fuit laudabiliter annis plus minus. 14. Obijt, ut ex historijs colligere licet anno 680. *Tritemius lib. 4. c. 145.*

5. S. Heddi, monachus Sreneshalensis in Anglia, quod alio nomine monasterium S. Hildæ nominatur, uir & sanctitate uitæ, & sapientiæ doctrina insignis, Eleutherio successor datus, ecclesiam suâ verbo & exemplo strenue gubernauit, annis plus minus. 24. Obijt anno Christi 704. & in loco quo defunctus est, ob meritum Sanctitatis eius multa sunt patrata miracula. Nam homines prouinciæ illius, puluerem inde ablatum in aquam mittere solebant propter languentes, cuius gustu, & asperione, multi se sanitatem recepisse gaudebant. Hoc defuncto, episcopatus in duas partes scissus est, quarum una id est, Vuintoniensis, data est Danieli quidam; altera, scilicet, Scireburnensis, collata est S. Aldelmo. De his ergo sedibus suo loco. *Tritemius lib. 4. c. 164. & Mattheus Vuestm. ad ann. 680. ex quo item annorum rationem hic digessimus.*

Dorcestrenses in Anglia, sub Cantuariensi Archiepiscopo.

6. D. ACILA, Anglus, monachus Monasterii Hildæ, siue Sreneshalensis,

ensis, deinde episcopus Doricestrensis creatus, in omni pietate gregem suum gubernauit. Floruit anno Domini 600. & quod excurrit. *Demochares, tomo 3. cap. 5.*

Dumienses in Hispania, qui postea Bracarense Archiepiscopi.

1. S. MARTINVS, monachus, & Abbas Monasterii Dumiensis, primusque illius loci etiam Episcopus, sua predicatione Sueuos ab Arianismo ad unitatem fidei redaxit. Vixit anno 570. & sanctitate clarus migravit, die 13. calend. Aprilis. *Tritemius lib. 2. cap. 13. Ambrosius de moralib. in hist. Hisp. lib. 11. cap. 62. & alii.*

Dunenses in Hibernia, sub Archiepiscopo Armacano.

S. MALACHIUS, Hibernus, monachus Bencorensis, & Archiepiscopus Ardinacensis, cum aliquot annis sedi illi praefuisset, humilitatis causa Archiepiscopatu abdicauit anno circiter Domini 1137. & Dunensi sede contentus in ea ad finem usque uitae permansit. Obiit anno 1148. die 2. Nouembris. *S. Bernardus in eius uita.*

Ad eum extant epistolae S. Bernardi tres, uidelicet, 315. 316. & 317. Scripsisse fertur & ipse nonnulla opuscula, de quibus nihil haecenus uidi, praeter quandam prophetiam de Summis Pontificibus, quae quia breuis est, & nondum quod sciam excusa, & à multis desiderata, hic à me apposita est.

Prophetia S. Malachiae Archiepiscopi, de Summis Pontificibus.

Ex castro Tiberis. Caelestinus. ij. Typhernas.
 Inimicus expulsus. Lucius. ij. De familia Caccianemica.
 Ex magnitudine motus. Engenius. iij. Patria Etruscus oppido
 Montis magni.
 Abbas Suburranus. Anastasius. iij. De familia Suburra.
 De rure albo. Adrianus. iij. Vilis natus in oppido San-
 cti Albani.
 Ex retro carcere. Victor. iij. Fuit Cardinalis S. Nicolai
 in carcere Tulliano.
 Via Transiberina. Callistus. iij. Guido Crementis Cardina-
 lis S. Mariae Transiberim.
 De Pannonia Thusciae. Paschalis. iij. Antipapa. Hungarus natio-
 ne, Episcopus Card. Tusculanus.
 Ex anfore custode. Alexander. iij. De familia Paparona.
 Lux in ostio. Lucius. iij. Lucensis Card. Ostiensis.
 Sus in cribro. Urbanus. iij. Mediolanensis, familia cri-
 bella, quae suem pro armis gerit.
 Ensis Laurentii. Gregorius. viij. Card. S. Laurentii in Luci-
 na, cu-

- na, cuius insignia enſes falcati.
- De Schola exiet. Clemens. iij. Romanus, domo Scholari.
- De rure bouenſi. Cæleſtinus. iij. Familia Bouenſi.
- Comes Signatus. Innocentius. iij. Familia Comitum Signia.
- Canonicus de latere. Honorius. iij. Familia Sabella, Canonicus S. Ioannis Lateranenſis.
- Auiſ Oſtienſis. Gregorius. ix. Familia Comitum Signia Episcopus Card. Oſtienſis.
- Leo Sabinus. Cæleſtinus. iij. Mediolanenſis, cuius insignia Leo, Episcopus Card. Sabinus.
- Comes Laurentius, Innocentius iij. domo flisca, Comes Lauania, Cardinalis S. Laurentii in Lucina.
- Signum Oſtienſe. Alexander. iij. De comitibus Signia, Episcopus Card. Oſtienſis.
- Hierusalem Campanie. Urbanus. iiii. Gallus, Trecentis in Campana, Patriarcha Hierusalem.
- Draco depreſſus. Clemens. iiii. cuius insignia Aquila vnguibus Draconem tenens.
- Anguinus uir. Gregorius. x. Mediolanenſis, Familia vicecomitum, quæ anguë pro inſigni gerit.
- Concionator Gallus. Innocentius. v. Gallus, ordinis Prædicatorum.
- Bonus Comes. Adrianus. v. Ottobonus familia flisca ex Comitibus Lauania.
- Piſcator Thuſcus. Ioannes. xxi. antea Ioannes Petrus Episcopus Card. Tuſculanus.
- Rosa composita. Nicolaus. iij. Familia Vrſina, quæ roſam in inſigni gerit, dictus compositus.
- Ex teloneo liliacei Martini. Martinus. iiii. cuius insignia lilia, canonicus, & theſaurarius S. Martini Turonen.
- Ex roſa leonina. Honorius. iiii. Familia Sabella insignia roſa à leonibus geſtata.
- Picus inter eſcas. Nicolaus. iiii. Picenus patria Eſculanus.
- Ex eremo celſus. Cæleſtinus v. Vocatus Petrus de Morrone Eremita.
- Ex undarū bñdictione. Bonifacius. viii. Vocatus prius Benedictus, Caetanus, cuius insignia undæ.
- Concionator patereus. Benedictus xi. qui uocabatur Frater Nicolaus, ordinis Prædicatorum.

- De fessis aquitanicis. Clemens V. natione aquitanus, cuius insignia fessæ erant.
- De sutore ossæ. Ioannes XXII. Gallus, familia Ossæ, Sutoris filius.
- Coruus schismaticus. Nicolaus V. qui uocabatur F. Petrus de corbario, contra Ioannem XXII. Antipapa Minorita.
- Frigidus Abbas. Benedictus XII. Abbas Monasterii fontis frigidi.
- De rosa Attrebatensi. Clemens VI. Episcopus Attrebatensis, cuius insignia Rosa.
- De môtibus Pâmachii. Innocentius VI. Cardinalis SS. Ioannis & Pauli. T. Panmachii, cuius insignia sex montes erant.
- Gallus Vicecomes. Urbanus V. nuncius Apostolicus ad Vicecomites Mediolanenses.
- Nouus de uirgine forti. Gregorius XI. qui uocabatur Petrus Belfortis, Cardinalis S. Mariæ nouæ.
- De cruce Apostolica. Clemens VII. qui fuit Presbyter Cardinalis SS. XII. Apostolorum, cuius insignia Crux.
- Luna Cosmedina. Benedictus XIII. antea Petrus de Luna, Diaconus Cardinalis S. Mariæ in Cosmedin.
- Schisma Barchinoniû. Clemens VIII. Antipapa, qui fuit Canonicus Barchinonensis.
- De inferno prægnâti. Urbanus VI. Neapolitanus Pregnanus, natus in loco qui dicitur Infernus.
- Cubus de mixtione. Bonifacius IX. familia tomacella à Genua Liguriæ orta, cuius insignia Cubi.
- De meliote sydere. Innocentius VII. uocatus Cosmatus de melioratis Sulmonensis, cuius insignia sydus.
- Nauta de Pontenigro. Gregorius XII. Venetus, commendatarius ecclesiæ Nigropontis.
- Flagellum solis. Alexander V. Græcus Archiepiscopus Mediolanensis, insignia Sol.
- Ceruus Sirenæ. Ioannes XXIII. Diaconus Cardinalis S. Eustachii, qui cum ceruo depingitur, Bononiæ legatus, Neapolitanus.
- Corona ueli aurei. Martinus V. familia colonna, Diaconus Cardinalis S. Georgii ad uelum aureum.

- Lupa Cœlestina. Eugenius. IIII. Venetus, canonicus antea regularis Cœlestinus, & Episcopus Senensis.
- Amator Crucis. Felix. V. qui uocabatur Amadaeus Dux Sabaudia, insignia Crux.
- De modicitate Luna. Nicolaus. V. Lunensis de Sarzana, humilibus parentibus natus.
- Bos pascens. Callistus. III. Hispanus, cuius insignia Bos pascens.
- De Capra & Albergo. Pius. II. Senensis, qui fuit à Secretis Cardinalibus Capranico & Albergato.
- De Ceruo & Leone. Paulus. II. Venetus, qui fuit Commendatarius ecclesiæ Ceruensis, & Cardinalis tituli S. Marci.
- Piscator minorita. Sixtus. IIII. Piscatoris filius, Franciscanus.
- Præcurfor Sicilia. Innocentius VIII. qui uocabatur Ioânes Baptistâ, & uixit in curia Alfonso regis Sicilia.
- Bos Albanus in portu. Alexander VI. Episcopus Cardinalis Albanus & Portuensis, cuius insignia Bos.
- De paruo homine. Pius. III. Senensis, familia piccolominea.
- Fructus Iouis iuuabit. Iulius. II. Ligur, eius insignia Quercus, Iouis arbor.
- De craticula Politiana. Leo. X. filius Laurentii medicei, & scholaris Angeli Politiani.
- Leo Florentius. Adrian. VI. Florētii filius, eius insignia Leo.
- Flos pilei ægri. Clemens. VII. Florentinus de domo medica, eius insignia pila, & lilia.
- Hiacinthus medicorū. Paulus. III. Farnesius, qui lilia pro insignibus gestat, & Card. fuit. SS. Cosme, & Damiani.
- De corona montana. Iulius. III. antea uocatus Ioannes Maria de monte.
- Erumentum floccidum. Marcellus. II. cuius insignia ceruus & frumentum, ideo floccidum, quod pauco tempore uixit in papatu.
- De fide Petri. Paulus. IIII. antea uocatus Ioannes Petrus Caraffa.
- Esculapii pharmacum. Pius. IIII. antea dictus Io. Angelus Medices.
- Angelus nemorosus. Pius. V. Michael uocatus, natus in oppido Boschi.
- Medium corpus pilarū. Gregorius XIII. cuius insignia medium Dra-

co, Cardinalis creatus à Pio. III. qui pi-
 la in armis gestabat.
 Axis in medietate signi. Sixtus. V. qui axem in medio Leonis in ar-
 mis gestat.
 De rore cœli. Urbanus. VII. qui fuit Archiepiscopus Ros-
 fanensis in Calabria, ubi mîna colligitur.
 Ex antiquitate Urbis. Gregorius. XIII.
 Piacuitas in bello. Innocentius. IX.
 Crux Romulea. Clemens. VIII.
 Vndosus uir. Pastor & nauis.
 Gens peruersa. Animal rurale. Flos florum.
 In tribulatione pacis. Rosa Umbriæ. De medietate lunæ.
 Lilium & rosa. Vrsus uelox. De labore solis.
 Iucunditas crucis. Peregrin⁹ apostolic⁹. Gloria oliuæ.
 Montium custos. Aquila rapax. In psecutione. extre-
 Sydus odorum. Canis & coluber. ma S.R.E. sedebit.
 De flumine magno. Vir religiosus. Petrus Romanus, qui
 Bellua insatiabilis. De balneis Ethuriæ. pascet oves in mul-
 Pœnitentia gloriosa. Crux de cruce. tis tribulationibus:
 Rastrum in porta. Lumen in cœlo. quibus transactis ci-
 Flores circumdati. Ignis ardens. uitas septicollis di-
 De bona religione. Religio depopulata. ruetur, & Iudex tre-
 Miles in bello. Fides intrepida. mēdus iudicabit po-
 Columna excelsa. Pastor angelicus. pulum suum. Finis.
 Quæ ad Pontifices adiecta, non sunt ipsius Malachiæ, sed R.P.F.
 Alphonsi Giaconis, Ord. Prædicatorū, huius Prophetiæ interpretis.

Episcopatus de littera E.

Cap. XLI.

Elienses in Anglia, sub Cantuariensi Archiepiscopo.

D. 8 **I** OANNES, Anglus, monachus, & Abbas Mona-
 sterii de fontibus in Anglia, uir simplex & iu-
 stus, ac recedēs à malo, Episcopus in locum Eus-
 tachi creatus & consecratus, anno 1220. die
 8. Mensis Martii, in Dominica Letare; & cum
 annis quinque optimè præsuisset, obiit anno
 1225. Mense Iunio. *Matthæus Vuestm. ad annos citatos.*
 10 Beatus Hugo, Anglus, monachus & Abbas cœnobii S. Edmun-
 V 4 di, me-